

Allannguutissatut siunnersuut

uunga

Uunga siunnersuut: Aningaasarsianit akileraarutit pillugit Inatsisartut inatsisaata allanngortinnissaa pillugu Inatsisartut inatsisaat

Naalakkersuisunit aappassaaneerseqartussanngorlugu nassiussaq:

Siunnersuutip qulequtami nassuiaataa

1. Siunnersuutip qulequtami nassuiaataa ima oqaasertalerneqassaaq:” (Erngup nukinganik innaallagissiorfiit ilaannut ilanngaasigaanngitsumik akileraarusiisarnermik aqqissuussinerup annertusineqarnera, atorunnaarsitsinermi nalunaartussaataitaanerup, kiisalu aaqqiissutit arlallit il.il.)”

§ 1-imut

2. § 1, nr. 2-mi, ima oqaasertalerneqassaaq:

“**2.** § 38-mi imm. 6-itut ilanngunneqassaaq:

“ *Imm. 6.* Ingerlatseqatigiiffinnut peqatigiiffinnullu § 1, imm. 1, nr. 3-13 malillugu akileraartussaataitaasunut akileraartussaataitaanerup uninnerani aqutsisoq imaluunniit akiliisitsiniartoq akileraartussaataitaanerup uninnerata kingorna qaammatip ataatsip iluani akileraaruseriffimmut nalunaarummik aningaasarsianik ukiumut aningaasarsiorfiusumut naasumut tunngasunik naatsorsuinertalinnik nassiussissaaq. Akileraaruseriffik qinnuiginnittoqareerneratigut nalunaaruteqartarnermut piffissaliussamik kinguartitsisinnaavoq, matumani immikkut pissutsit pisariaqartissimassappasuk. Aalajangersakkat imm. 1 aamma 2-mi assinganik atuutissapput inuit inatsisinik suliallit aalajangersimasumik ingerlatsiffii uninnerisigut, takuuk § 2, imm. 1, nr. 10.””

4. § 1, nr. 10-mi, § 105, imm. 1, nr. 9-mi “imm. 8”, “imm. 6”-tut allanngortinneqassaaq.

§ 2-mut

5. Imm. 1, ima oqaasertalerneqassaaq:

” Inatsisartut inatsisaata nalunaarutigineqareernerata aqaguani ullormi atuutilissaaq, taamaattoq tak. imm. 2.”

6. Imm. 3, peerneqarpoq.

Siunnersuummut nassuiaatit

Nassuiaatit nalinginnaasut

Allannguutissatut siunnersuutikkut inatsisissatut siunnersuummi atorunnaarsitsinermi akileraarusiinerup annertusineqarnera il.il. pillugu aalajangersakkat, taakku inuussutissarsiornermi akileraarusiisarnermik aaqqissuusseqqinnermut suliaqarnermi ilanngunneqarnissaat namminersorlunilu inuussutissarsiortuni illuatungeriit oqaloqatigineranni ilanngunneqarnissaat siunertaralugu peerneqarput.

Allannguutissatut siunnersuutip aalajangersagaanut ataasiakkaanut nassuiaatit

Siunnersuutip qulequtami nassuiaataa

Nr. 1-imut

Siunnersuutip qulequtami nassuiaataa inatsisissatut siunnersuutip imarisaanik allannguinermik takutitsisunngorlugu aaqqinneqarnissaa siunnersuutigineqarpoq.

§ 1-imut

Nr. 2-mut

Allannguutissatut siunnersuutip nr. 1-iani inatsisissatut siunnersuummi atorunnaarsitsinermi akileraarusiisarnernerup annertusineqarnera pillugu aalajangersakkat peerneqarnissaat siunnersuutigineqarpoq. Tamanna siunnersuummi § 38, imm. 6 aamma imm. 7-mi allannguinermut tunngavoq.

§ 38, imm. 8 atorunnaarsitsinermi nalunaarutiginnittussaataitanermut tunngasut attatiinnarneqarnissaat siunnersuutigineqarpoq. Imm. 6 aamma imm. 7 peerneqarmata, taakku kingunerannik aalajangersagaq imm. 6-imut aaqqinneqarpoq.

Nr. 3-mut

§ 86 aamma § 87-imut allannguutit, atorunnaarsitsinermi akileraarusiinerup annertusineqarnermi peerneqarnerata kingunerisaanik, inatsisissatut siunnersuummit peerneqassasut siunnersuutigineqarpoq.

Nr. 4-mut

Tamatumani allannguutissatut siunnersuut 2-mi, imm. 8, imm. 6-inngorluni allanngornera § 38, imm. 8-mi innersuussinermut kingunerisatut allannguut pineqarpoq.

§ 2-mut

Imm. 1-imut

Siunnersuutip ulloq 1. januar 2026 kingorna naammassillugu suliarineqarnissaata naatsorsuutigineqarnera pissutigalugu, atuutilersitsineq pillugu aalajangersagaq siunnersuutaavoq ima allanngortinneqassasoq, inatsisissatut siunnersuut nalunaarutip ulloq ataaseq saqqummernerata kingorna atuutilersinneqassasoq. Taamaattorli aalajangersakkami imm. 2 naapertorlugu allannguuteqarluni.

Allannguutissatut siunnersuutip aalajangersagaani imm. 2-mi allannguisoqassanngilaq. Aalajangersakkap nassatarissavaa, siunnersuut ukiumut aningaasarsiorfiusumut 2026-mut tamarmut atuunnissaa. Akileraartussaataaernermit isertitat ukioq aningaasarsiorfiusoq tunngavigalugu naatsorsorneqartarpoq, aallaavittut ullormit 1. januarimit 31. decemberimut aallartittartumit. Siunnersuut kinguneratut inatsimmi allannguutissat, ukiumut aningaasarsiorfiusumut 2026-mut assigiissitaarnermut 2027-mut kingusinnerusukkullu ingerlanneqartumut atuutsinneqassaaq.

Assersuutigalugu isertitanit tamarmiusunit akileraartartussaaneq pillugu aqqissuussinermut allannguutitut, erngup nukingani suliniutit ilaannut avataanit sulisussat ilaalissapput aamma annikippallaartumik avataanit aningaasaliissutit pillugit § 36 c, imm. 5-imi killiliussap qaffanneqarnera, ukiumut aningaasarsiorfiusumut 2026-mut tamarmut atuutissaaq.

Imm. 3-mut

Siunnersuummi § 2, imm. 3-mi, ikaarsaariarnermut malittarisassamik imaqarpoq, § 38, imm. 6-imi akileraarunnaarnissatut siunnersuutigineqartup pinngitsoortinnissaa siunertaralugu ingerlatseqatigiiffiup nunatsinnit nuunnissaa pillugu aalajangeeriataartoqarsinnaaneranik pinngitsoortitsinissamik siunertaqarfiusoq. Allannguutissatut siunnersuutikkut ikaarsaarnermi malittarisassap taassuma peerneqarnissaa siunnersuutigineqarpoq, allannguutimmi atorunnaarsitsinermi akileraarusiinermut tunngasut peerneqarmata.